

古  
微  
堂  
詩  
集

古微堂詩集卷七

邵陽魏沅默溪著

七言古詩

椒山琴和陳太初修撰

有得古琴者言是椒山物索同人作詩太初約予同

作

伶倫既死貽嶰崗誰回元氣挾空同古心感帝帝夢通  
夜溪重瞳投以鏞排闥叫舜放四凶天王聖明臣罪愆  
遂從文王美里中我得此琴匪漫逢玉帶生研同敬恭  
一彈再鼓何嗷嗷鳳凰百鳥鳴梧桐忽然劃裂如石淙  
孤臣放子號怨恫追呼比干陪關逢奴隸叔夜兼蔡邕

阿叱仇鸞与嚴嵩萬古方輿一圖穹哲人既往我安宗  
誰知以耳以神通俄頃四座悄無容惟餘兩人一枯桐  
運丁叔季誰与鍾不如收視反聽聰与君相知如麀蠶  
試叩銅山謦洛鐘

題湯雨生雙笠圖

雙笠者一宜興周保緒廣文一武進湯雨生副將皆僑寓金陵

保緒以進士而兼騎射雨生以武將而能詩書皆近人所罕時保緒已沒雨生出圖索題

圓靈爲笠五嶽爲筇曾見斲鼈立四極又見黃土搏鴻  
蒙一翁処城西一翁処城東西城太肥東太瘦天教異  
地如虎龍不文不武亦文武誰僊誰俠誰英雄忽然挂

冠戴雙笠飄然來作六代江山之寓公  
唱和如歷  
蛩栽竹十萬竿種花一萬叢朝夕跨驢扶短筇笠頭浩  
蕩來天風一翁忽舍去頓覺東城空惟餘一笠蟠蒼穹  
晚年得我如斷鴻欲令補笠爲附庸我固辭之匪不恭  
海波翻倒馮夷宮江上龜鼉方嘯風烏乎安得有笠四  
海爲幘幘蒼生蒼生誰是江左東山翁

題林少穆制府飼鶴圖

圖爲林公  
尊人所繪

有鶴有鶴生蓬壺老仙育之何勤劬千年長羽翮千年  
調唼味一朝奮翅凌天衢羽族億萬隨之俱爰居島上

西風作羣鳥移家辟歲惡吐霧含煙赤縣迷

帝命

丹書遣元鶴排闥歷闔驅風霆朝舜北海暮南溟電掃  
妖氛清八極爰居徙族空其腥澄清未幾風色變鴉陣  
作羣還索戰闐闐紛紛百舌羣共罪仙禽應首譴佞鶯  
斂翅來結舌願与爰居爲嬖妾欽鵠側足來駿奔願与  
爰居作子孫魯門鐘鼓殷天高更向吳門禮百牢鵲填  
河兮索百萬兔營窟兮須三巢仙禽不語惟戢翼可憐  
精衛空流血可憐百鳥憔悴無顏色鳳凰終大聖不作  
臧孫祀風霆震駭回濛汜佞鶯瑟縮欽鵠死又聞狂飈

簸天濤蓬壺震駭爰居徙烏乎四海方今烏畢逋哀鴻  
中夜嗷嗷呼安得更起元鶴凌天衢盡收羽族游蓬壺  
庶幾反哺大報仙人劬

觀物吟九首

偶書所感爲觀物觀往二吟仿寒山擊壤之體而易其貌友人賞者有

諍其議論爲詩者附  
七言末以俟論定

君不見黃河之水天上流清濟之源地下走黃河千年  
澄不清濟水千年污不垢君不見重華父英皇母放勛  
外祖后夔傳誰知外孫似舅不似父與祖柳下東陵竹  
馬嬉司馬桓魋棗梨侶君不見猿臂善射秋善碁摩詰

前身應畫師設令易地兩束手玉局僊人不解琴与碁  
豈惟書讀今生遲似我似我蒲盧祝螟蛉果羸如同腹  
前花落子後花開棗火更新榆火續悲哉後生之路前  
生熟幾見雀鵲鴈鳩變艸木

君不見月下之影三大白不知是主誰是客水中之影  
百東坡不知是我還是他人知水月之影形神是誰知  
夢寐之影由心起倚頓不夢爲穿窬須眉不夢衣裘襦  
鼠穴那有乘高車猶湍寫天鼓應桴那用別尋行照圖  
今生若問來生種醒時但問寐時夢

憶昔有客扶僊鸞神風肅然來降壇漢唐古人去千載  
忽然覲面能書翰耳目心手定何物此中殊費尋倪端  
磨墨一斗爾手我手乚散手退爾于何有平生軀殼一  
寓公偶然姓氏題誰某若言形骸名字之外無我存何  
異乚神戀僵柳堪笑達人老東坡和陶不敢和挽歌傳  
舍信宿知誰何

世人解游僊無人解游鬼鬼介神祇僊佛間變化升沈  
無二理鬼兮鬼兮何所歸上者升天乘尾箕中者五祀  
岳瀆祇下卽人鬼享血食叢祠野壙陰陰嘯功曹簿領

若山積業風吹人海潮至不享血腥享臭氣一飽可抵  
終年祭更有國殤十萬能爲厲終南進士魄雄毅萬古  
鬼劍驅鬼騎亦有鬼仙不受職散髮乘狸自遊戲不得  
神通得鬼通鬼不金身法不雄生前好游苦登陟此時  
五嶽雲山朝夕至生前懷古鬱嵯峨此時元明唐宋肩  
相摩唐宋鬼多秦漢少鬼壽享盡歸大造碧燐成陣作  
作芒蒼頡哭天天不曉生前學道苦不力不獲生天不  
出世傳語世間馳走肉生前早作死時計

我夢溪山行疾藜後有猛虎前溪谿魑魅森來攫人食

悸醒銀燭明繡帷瓶花午夜香薷薇我夢江樓羃珠箔  
蘭心蕙質同杯酌回腸盪氣歌方若雄雞忽叫紙窗黑  
布衾鐵冷風蕭索我夢從軍逐天驕前鋒夜戰渾河橋  
萬帳霜寒堆髑髏曉窗忽聽流鶯嬌午夜宿醒猶未消  
我夢排雲訴天闕賜對瑤墀萬言列機槍電掃風雷掣  
阿香行雨周四溟鈞天樂奏秦階平巫峽哀猿嘯五更  
展轉思服河漢傾

君不見尼山嚴事柱下老獨不近容少正卯孟軻甯受  
楊墨逃不許儀秦列庠膠萬里湖州來闢佛甯友大顛

不友俗由來世外有逸民九流上世原竝陳溫泉寒火  
不灰木豈必五行無故新斷髮文身隱至德何妨端委  
開斯文儒攻墨守爭斷斷握拳裂眦徒怒嗔君不見白  
蓮社裏攢眉人虎谿語笑風吹巾

君不見始皇竟築萬里城隋帝竟通千里漕功在萬世  
罪一世豈必神禹同疏導西藏之教能寢朝漠兵和卓  
之教能息天山爭廣谷大川自風氣豈能八表之外皆  
六經南陌自晴北陌雨東家擊缶西家鼓篴幾世巢居易  
棟宇由來裘葛更寒暑堪笑周官竟被新都腐單于二

名嫌不古

君不見禽獸偏人傳上古九州道路橫豺虎保蟲那敵  
爪牙橫爰是羲皇制網罟弱肉強食翻手勢不惟除害  
反爭利燔山竭澤神鬼號大覺慈悲來救世戒殺兼愛  
無等差狼麋一律何能弭我今以殺來止殺不容鷹隼  
与豺獺入山但捕獍与梟入水但斬鱷与蛟周処澹臺  
孫叔敖秉畀炎火迎虎猫生生殺殺皆天意梟羹可以  
祀上帝

人非水火不生非日月不明未聞水火居其功日月居

其名河潤九里岱雲倏千里形運不同神運無涯淡青  
冥蕩蕩空無垠俯視富媪如彈丸上帝高居眇視聽似  
聞下界羣蟻喧天雨粟鬼夜哭遂令大塊如皤腹空谷  
之中似有人叩之無有呼必應夸父窮年逐日走何如  
回光照至真入之澹澹卽之窈窈不受一切乃可大受  
與其實所無曷若空所有

觀往吟九首

左思詠史西涯變爲樂府各寄身世之感焉豈僅論世尙友而已乎詞有

古近則不可強也

君不見軒皇畫井始遼東建都維薊谷北廣南縮古輿

圖南闢北衰運旋轂古河本是北幹流不走陰山大漠  
將誰投河流所鍾水艸沃生氣清淑賢聖稠軒皇乘龍  
御宇內八駿動陟崑崙運至中天沙漠涸星宿海中  
忽漩洑北幹冒爲中幹流堯時大變千古獨地氣天氣  
日漸南運啟中原大翻覆烏乎禹河以前故道安可求  
呂梁未闢龍門未鑿不應古河天上流不然安得青州  
渡海爲營州冀州之外幽并州狂言莫駭談天鄒  
君不見東漢盛南陽季漢盛襄陽北宋衣冠盛洛陽臥  
龍雛鳳每比戶德星慶雲時一堂今日斗米黃巾數昔

時柴胡結梗沮澤旁吳越文明甲天下昔時斷髮文身  
化齊魯今誰禮樂郊幽燕盛竟長安亞齊紈魯縞睢渙  
章洮浪蘭風溱洧鄉今人不聞聞合笑枳橘有時遷地  
良何況攀龍附鳳乘王氣龍鳳已暹羽翼逝猶從巢穴  
覺風雲何異南陽洛陽求國瑞陵有升沈谷有徙天旋  
地轉無終始花有落開月圓缺地轉天旋互盈竭服參  
必求上黨參膠柱鏤舟泥殺人

君不見河有鯉兮江有鱗南北古今嗜何歧今人若請  
古人客下箸何異驚彭蠡風流兩晉牛心炙若登今筵

等鼠腊寶海饔飧稻粱麥誰辨書中麻黍稷陸羽一人  
能使九邊市馬茶竊娘一人能使寰海皆弓靴豈獨近  
代萼夷興淡巴男女飲食情同貫今人古人若久炭青  
牛化胡老眊辱章甫適越神禹歎豈獨井田封建同城  
旦扁誰不工下帶醫枉攜藥石走殽西

漢文用黃老孔明用申韓爲術不同同歸於治安晉以  
莊老亾秦以申商族爲術不同同歸於傾覆用法不爲  
法所庸九流騰躍入環中小堯舜女堯舜豈同燕噲師  
異姓學論語讀論語笑倒楊雄及趙普始知畱侯鄴侯

用二氏異於崔浩高駢與梁武

項羽之失不在縱沛公封堅之失不在優慕容夫差之失不在許舌庸木不自腐何由蟲安能盡鉏海內之英雄族宇文族拓跋豈料亾秦是胡亥子玉不除重耳忌桓元豈必寄奴敗祈天承命郊廓鼎子胥范增見何隘如何契丹魚頭宴不忌荒滯忌豪邁縱令龍虎醢吾手宇宙豈無人破壞偉哉孟德千古雄能容昭烈及關公晉拯吳民水火困宋取江南不血刃子孫食報數百年衣冠南渡非僥倖光義自背金匱盟南宋遂皆藝祖祔

五國城中帝鬼哭何如宗室衣冠畱紹興賈充興晉卽  
亡晉李斯興秦卽族秦善敗總向儲宮伸大哉唐宮夜  
祝邈佶烈他朝太廟牌縣鐵

君不見王鳳謗王商李黨謗奇章天門折翼誣陶侃碧  
雲駟足鯁歐陽于謙易儲無諫疏後世紛紛啟疑獄不  
因示夢齊名南誰檢閣中通政牘宋明寶錄屢更新宋  
明說部尤斷斷讞古酷吏嗟胡寅誰能盡起九原問死  
人藤陰襍記茶餘客話碧溪叢譚均載齊召南未遇時  
祈夢于忠肅祠問何不諫易儲于公曰公他日爲史  
官檢皇史宬當知吾心耳及仕修明史奏檢史宬不得  
諫艸又檢內閣大庫得明通政使日簿載景泰某年月

有疏而燬於徐石遂生後人肥議耳

君不見上水之魚不異逆風之鷁百尺龍門宮點額又  
不見白衣之艣何如竹箭之帆輕舟已過萬重山百戰  
百敗劉豫州曹瞞雄之惟兩虬六出六劬葛忠武司馬  
畏之如臥虎虎虬變化天晦冥不遇風雲終不成英雄  
才力薄九霄何如滹沱之欠浙江潮

君不見破浪乘風洵壯哉逆流狂颶亦見柁師材惟有  
龍驤萬斛閣沙淺篙師束手空歎哈雖非立刻危亾事  
亦無挽救推移技載舟覆舟兩未形逆風順風均不利

空令下水庸工矜得意君不見羲皇以來四億歲亂世  
人材倍平世不然安得混沌重開闢雷雨殷地芝菌生  
洪濤嶺山怪石出

讀書吟示兒者五首

畫不如書可勒碑書不如文可棗梨荆關粉本盡安在  
周秦古籍今猶垂畫不如文百世知文不如畫走四夷  
重譯那知謫仙詠丹青圖重西洋西橫傳之遠畫勝文  
豎傳之久文勝畫小劫大劫一時來誰識庖羲以前卦  
萬劫不災是何物杲杲青天行白日

淮陰長用眾武穆長用少由來武事各左右王家子弟  
能書不能詩謝家子弟能詩不能書由來文事鷄兼諸  
四刃不入三刃不截太阿止須一面鋒自古傷人惟寸  
鐵試問蘭亭八百匣何異胡椒八百石

君不見猩猩嗜酒知害身且罵且嘗不能忍飛蛾愛鐙  
非惡鐙奮翼撲明甘自隕不爲形役爲名役臧穀亡羊  
復何益月攘一雞待來年年復一年頭雪白得擲且擲  
卽今日人生百歲駒過隙試問巫峽連營七百里何如  
祭州雪夜三千卒

周易非卜筮安能度秦燄說文非篆刻安能壽鉛槧諸  
子未列博士科云何名與周孔俱不磨糟粕文字瞿曇  
老猶言說法須善巧大公家教竟安存虎豹之鞞殊火  
藻如何倮袒侏僂示真樸盡舍葩萼求艸木盡舍玉帛  
鐘鼓求禮樂

君不見花時少實時多花實時少葉時多由來艸木重  
幹柯秋花不及春花豔春花不及秋花健何況再實之  
木花不繁唐開之花春必倦人言松柏黛參天誰知鐵  
根霜幹蟠九泉

題包慎伯文集二首

陸游學杜吟君國銜枚思渡桑乾磧正當侂冑用兵時  
南園昌陳恢復計陳亮上書氣縱橫開擴萬古請遷京  
堂堂正正矜旗陣過宮對策忘生平買田省餉水心策  
似道公田竟亡國坐言起行幾賈生青苗攘臂徒安石  
有用之用人共爭不如無用用斯神芋頭飽喫蝸廬臥  
誰向白雲隱王佐君擊唾壺我徐和

君不見淵明不肯折腰靖乞食柴桑不救飢瓶中無粟  
花滿籬安得日日送酒來白衣等爲一食俱鄉里胡忍

於此不忍彼人生安往非口腹謝此除非僊与死尹喜  
抱關吏老聃柱下史尼父乘田亦祿仕大聖真人猶若  
此抱朴若非句漏令丹砂不成空沒齒乃知淵明書甲  
子五斗之棄託詞耳柰何今士爲貧仕有似雕梁忙燕  
壘安得黃花滿籬酒滿尊看雲日誦樂志論揚州鶴背  
今何人

繫園暑夜登月臺

炎暑走入久壺裏天風涼得心如洗此是謫仙何世界  
梧影不動簷鴉死月華有露兼有霜月氣非煙亦非水

此時靈光不用回萬象無聲念無起

呼月吟

月兮月兮勸汝一杯酒安得廣寒宮裏一攜手月中仙人笑回頭視汝大地同一浮汝言桂樹修玉斧誰知大地河山影萬古汝言三五有盈缺誰知四大海水如圓玦潮消潮長月盈虛雲蔽雲開久皎潔影落江心月一輪千江一片光如雪一旦乘風來月中還看大地如明月

古歌

杜鵑何世古天子夜夜花間啼不止提壺提壺勸爾歸  
釀得春江半觚水江水如雲綠千里醉盡江中萬魚子  
夜深倒臥蘆花裏人生幾得中山千日死

江頭月

咸豐四年

欲融不融城上雪欲落不落江上月江上月皎如雪清  
秋已過月再圓可惜圓時照離別離別何人在故鄉陣  
陣宵燐作作芒亂如漁火彌長江可憐今夜月正照秣  
陵城秦淮歌管變鼙鉦長爪巨牙街衢行可憐今夜月  
曾照廬州堞八公艸木風鶴聲溝壘高深爲誰設可憐

今夜月方照金焦口點點雲鬟螺黛中水戰餘皇瓜渚  
守可憐今夜月更照吳淞郭城頭譙鼓兼畫角蚌鵲相  
持幾時活可憐今夜月還照大海船徐市至今方丈謫  
蓬壺日日皆神仙紅上月皎如雪可惜萬古照離別長  
歌短謠君起舞我擊節

戲自題詩集

太白十詩九言月淵明十詩九言酒和靖十詩九言梅  
我今無一當何有惟有耽山情最真一邱一壑不讓人  
晝時所歷夢同趣貯山胸似貯壺公淵明面廬無二詠

太白登萼無一吟永嘉雖遇謝公屐臺蕩勝迹皆未尋  
昔人所欠將余俟應笑十詩九山水他年詩集如香山  
供養衡雲最淡裏

新羅山人醉筆墨蘭歌

昨夜醉腸花怒開墨池起蟄驚春雷枯者游戲爲根荄  
亂者屈曲爲蓓蕾橫披亂放無端涯有時畫蘭兼畫梅  
暗香斜影窗前階便疑艸書亂僧懷僧懷素酒氣蘭香拂  
拂來張顛濡髮青蓮杯神乎鬼乎仙乎哉請匹靈均呵  
壁才

古微堂詩集卷八

邵陽魏源默溪箸

五言律詩

京師送歐陽澗東丈南歸

少作

倦游天地後垂老浩然歸白髮偕兒女黃河濯布衣風  
霜人古怪出處世從違亦動離親感因之吟式微

京師接家書三章

少作

塞雁江南至嚴親有報郵關山三地月風雪五湖舟汝  
力貧中學吾寬客裏愁寒衣曾贖否年少慎交游

弱弟三年別衣長勝舊無林香秋剝果鐙影夜聞書弄

有娛親力嚴慚課汝初到家迎戶立一見定何如  
聽雁疑連榻看雲每墮薪文章聲價賤書史患憂真月  
暈他鄉夢山環故國身長安車馬地花落不知春

嶽麓介景臺夜作二首

少作

夜上空臺上回看列岫林蒼然太古色斂入萬山深  
湘水明不改過城微有音龍蛇蟄大澤此夕氣陰沈  
郢和豈無侶鍾絃良費尋領妙不須眾洌泉虛自斟微  
風動孤籟淡月生遙岑咫尺無能共徒勞猿鳥音

宿嶽麓寺

即雲麓宮在少作二書院後山

經旬偶閉關關在白雲間月樹影孤寺風泉聲眾山桃  
逢開士悟鶴似老僧閒愛晚亭前立微聞雙澗潺

湘江舟行

少作四

水路一千里江流似玉環天邊時白鳥煙外忽青巒行  
盡無人路惟餘太古山秦人如可晤一去不須還

過洞庭三首

少作四

積水何年始下連南極淡縱浮吳楚去難盡屈原心萬  
古魚龍氣中宵鴻雁音何須萍實獻江海放臣吟

灝矣東南國能容此大川湖吞江作海地盡水爲天鷗

鷺雙蓬梗乾坤一釣舡舟中樓上客同夢九霄眠  
未曾羣流淼沅湘各自雄及茲崖岸盡始覺水天同  
化斯無外形忘會太空汪洋萬頃際今悟至人胸

江行雜詩六首

嘉慶庚辰歲奉  
母東下所作

四面龍爲宅孤峯虎不家湖天萬頃月春雨一洲花  
似水無岸雁先帆落沙中宵仙客過滿壁寫棹枒  
江聲兼漢壯山色渡湘青兩岸爭雲樹孤帆入杳冥  
繁萼天寂寞卑濕月晶熒中夜聞鷗夢隨風落洞庭  
一片青天雪惟餘黃鶴樓更無江上客來泛木蘭舟

亦從茲逝仙人不可求。征鴻去何所。菰葉滿汀洲。

黃鶴樓

一石江湖鎖千秋。撼不崩。斷雲江北至。常觸此峯凝。湖  
沙周遭轉帆檣。上下乘乾坤。孤立處崖倚。聽濤僧小孤。  
磯亭浮水動。潮勢裊山回。游客下舟去。江雲淡夜來。英  
雄淘浪盡。洲渚界濤開。采石橫天塹。東南竝壯哉。  
天影入江寒。孤舟犯曉灘。風霜顏改易。江海夢歸難。推  
輓期羣力。艱虞類一官。波濤兼盜賊。回首羨泥蟠。

西行雜詩二首

蕩蕩平平地。青青白白天。風塵霜月雨。車馬醉醒眠。計

驛如添竈無山亦少川誰令梁宋地老我轍環年  
南北東西會江淮河濟舟城頭帆杪樹蛟室蜃成樓歌  
舞今猶在滄桑不可求兩臺繁吹月依舊是中秋

虎牢

古城臨黃河  
今移山頂

山盡黃河抱前橫斗大城隴防千浪  
嚙虎掘一夫爭百戰寒雲陣中宵萬馬聲  
休同廣武歎久偃北邙兵

潼關

曉日潼關啟雲胸  
跌蕩開千秋河嶽色  
猶挾漢唐來馬帶  
中原雨車驅萬壑  
雷何須論德險興  
廢一莓苔

碑洞

在西安府城內

磨成千片石已費萬年心不是碑淵海真成鬼鄧林文  
章蒼頡血浩劫雍門琴誰傲乾坤毀堂堂自古今

驪山

雪後湯泉冷雲浮往事空至今泉上月猶戀渭前宮水  
向柔人骨山因弔古雄鬱蔥煙樹裏屋社百王同

蘇武墓

在韓城西北五里梁山之麓古柏三百餘株枝皆南向名曰蘇山

青岬明如冢南枝屬國墳竝回沙塞月同向茂陵雲久  
雪千年氣河梁萬里曛牧羝來隴上向擬海邊蘋

太史公墓

在韓城縣龍門之南見水經注

河嶽高深氣離騷鬱律膺龍門神禹穴馬鬣李陵朋蕭瑟嵯峨地牛羊樵牧登茂陵雲樹接同此夕陽憑

邠州大佛寺

唐尉遲敬德所鑿門臨涇河

天龍千仞炭石厂萬年崢嶸佛力英雄力河聲梵唄聲磨厓唐氏碣流火古公城日暮聞聲省霜鐘吼石鯨

濟源

在山出山一長此雪霜久習坎盈坎未已分河濟澠石寒疑裂浸龍熱畏清澄何須尋伏見始識濁膠能

跑突泉

三潛三見後一噴一醒中萬斛珠璣玉連潭雷雨風大  
明湖水照萼不注山同水月全城貫東南信禹功

龍門二首

不放黃河走層層鎖石門駕空崩雪浪奪隘戰乾坤南  
北中條劃地天人力尊如何開闢久元氣尙渾渾

禹廟勢岩堯元圭拱玉宵俯厓諸念絕終夜萬靈朝屋  
有龍蛇畫金無魑魅驕誰言三級浪赤鯉尾全燒

嵩嶽三首

路入雲霄近身當宇宙中陰陽荆豫割松柏漢周雄二  
室爭仙佛無雷白水風誰言輸二萼封禪百王同  
少室少林寺何年中嶽東名傳半天下身老萬峯中與  
柏俱成佛除禪別有宗一峯三界破覓矣法王雄  
石縱出天勢松皆破壁鈇奇觀到嶽盡萬念入山無倚  
檻雲千頃臨池月一盂并銷狂逸氣祇合谷名愚

萼嶽三首

三峯三面絕一嶽一石成直是雲中墮非從地上生巖  
巖天气象鬱鬱帝精英高眠五百載重起問昇平

峯出破峯中路從無路通直將千百險并作一山雄秋  
色青天地河聲變始終欲成封禪頌才力杜韓窮  
谷口一夫防車箱扼莽蒼雲霞天四塞混沌帝中央捷  
徑無黃綺琳宮盡老莊厓棲者誰子星在少微旁

岱嶽二首

岱宗非峻極橫絕勢亭亭日盪雲成海天將嶽敵溟碣  
先秦漢黑氣壓魯齊青休更流光景聲明走百靈  
出震萬方雄巖巖極望同不有中原坦安知一岱崇陽  
春青帝令時雨素王功嶽哉方正大生氣盡朝東

衡嶽二首

遠水微茫轉前山次第卑祝融雲合處湘口月生時我  
訪竹林寺竟無樵客知四山濤響合不獨瀑紳垂  
不知峯寺近但覺遠村低日暮月初出煙寒雁未歸天  
聲臨嶽遠塵夢入山稀欲辯漁樵事雲淡無是非

盤山二首

出谷全無地除山盡是天四圍峯寂寞一客影蒼然割  
白遙吞海浮青直到燕雄哉鑾輅地龍氣滿山川  
入谷不數里四山都是松松松勢相接高下盡成峯蒼

寒夜來下白雲何處鐘下岡回望合惟見碧芙蓉

四明雪竇寺四首

一夜桃花雨五湖春水篙言尋開士室遠上斷雲皋夜  
靜知山寐天垂覺地高銷沈文字海溪梅古人糟

霄漢嵌三竇一峯天四鄰宵淡大地夢鐙照一心清鳥  
識山情性雲爲寺主賓更休山下望轉盼失嶙峋

遙望雲屯嶺入山不見雲時逢浣溪女臨汲落花漬翠  
氣四山塞崩湍終夜聞回頭洞口露何待北山文

偶弄桃花水銀河似絳河下階嵐氣合上屋水聲多歲

月非人世煙霞作薜蘿有時山翠起千戶綠婆娑

天台山雜詩五首

十里五里去千峯萬峯隨意行無近遠空翠欲何之禽  
伴風泉語雲游嶺樹移過山徒贊歎終似未來時

地古使僧古峯尊覺寺尊雲泉知我意相合如一魂樹  
卷霜皮骨厓崩雨淚痕杖藜隨坐起無地不羲軒

一轉一庵出無時無水聲是菴皆樹色何樹不蟬鳴習

定後無影聞鐘月乍生此間寒拾地凡聖浩縱橫

寂寂二三影行行高下巔不辭衣盡溼只覺杖居先白

是林間露青來水上煙到頭山盡處黃葉浩無邊  
但聽嚶聲變不知芳艸淡遂申獨往意行此無盡林干  
籜雨中竹一巢煙際禽竟忘身出沒翻惑岫升沈

陽朔舟行六首

半天青是石石勢盡成峯水與山爭怒天爲地所春四  
圍爭向背外嶺忽芙蓉中夜前瀧吼如聞下瀨舳  
不見鳥飛還只愁天壓山境從窮處闕雲避怪峯還石  
縱出天勢舟穿亂筍間乾坤荒塊氣何故落南蠻  
百里榕成海千年桂作窩地高天偏近人少石奇多可

惜梭舟駛兼之客夢蹉不知淡霧裏無限好峯過  
危厓殘雪寺如艇泊荒江遇見磯頭客時憑樹杪凶溪  
山雙逆旅天地各間艤小醉不成寐夜灘響夜瀧

峽江相對鎖不悟有江來帆破林間出舟穿洞裏回艤  
聲潭作雨人語甕成雷水國兼山國戈船信險哉  
登城萬象回水与市聲厯楚粵帆爭互江山勢盡來月  
光寒盜賊波影動樓臺信美非吾土蒼梧孰是哉

西湖銷夏詩六首

空翠欲無地空明白一天我來香水國獨泛月虹船坐

到清涼夜能生文字禪何來公雪語得自廣寒仙

澹澹蕭蕭意朝朝暮暮谿雨荷香到檻雲水勢侵隄長  
夏有秋意浮家忘客棹尙嫌書畫俗何待鶴梅妻

收盡諸峯勢湖樓面面開動須舟楫渡疑住妙高臺雲  
迴雁遲過水春鷗亂來娜嬛天福地不負著書才

并無漁火後但有山蒼然煙蕩月成水湖明舟上天此  
時孤笛發不攬水龍眠竟夕渾無寐逋仙未是仙

山影湖心浸湖行似入山不知秋水寺更隔幾荷灣無  
鶴無琴地載雲載酒還始知蘇与白不俗不僧間

月下鶴無影風高雲有聲  
遙疑疏樹動始覺有僧行  
共話西溪路相邀後夜程  
瓶笙聽茗響已覺磬三更

金山次借菴韻二首

江欲浮山去雲常渡水來  
長風吹海月已上妙高臺  
僧語峯頭樹潮歸隔浦桅  
夜深羣動息夢落雪濤堆  
腳底江淮海三更蕩月來  
環山半煙霧帶郭萬樓臺  
天地橫空闊東南入檻桅  
妙香聽煮茗中冷雪花堆

惠山泛舟二首

疏雨洗空翠來尋湖上巒  
誰能無事事且得不閒閒  
水

國忽無水山樓不見山乍開詩境界已失畫煙鬟  
只見門臨水誰知寺有巒小樓明月上照見隔溪山訪  
古招提外談禪溼翠間誰言十畝地不敵萬孱顏

惠山夜坐三首

好夢如綦散良朋似雨過爲尋出世士特地入林阿樹  
氣臨泉古山聲入夜多古來巢許士原未證維摩  
秋月水邊上夜山林際明幽人暑餘坐清露月中生寺  
古常疑雨厓空易作聲遙鐙何處閃漁火亂江城

以茲秋月好況向夜泉生樹影沈峯影泉聲失雨聲漸

疑天色曙不識水光明非散游人盡誰知山氣清

天童寺夜宿

雲峯僧百指龍象尙蒼然古寺聞山雨天風吹夜泉但  
隨猿鳥定無復祖師禪明發重回首藍輿出曉煙

烏龍潭夜坐六首

林陰橫滿地夜影忽過牆忘卻月移轉翻疑樹易長積  
雨有餘氣老荷終自香空簾如積水清夜意難忘  
溪山平遠處何必起樓臺近水月先到矮窗山四來潭  
畱雲影住巷隔市聲同此際無言子微吟伴碧苔

閒到心無用始知幽意生萬竿清竹露相并成一聲竟  
日心當戶渾忘身在城關山牛馬走何似艸蟲清  
鏡中看竹樹人地總神仙一塵無著處四面得湖全荷  
暗疑沈黛山明不受煙小亭閒臥處枕上浪無邊  
晨興尋古寺徑轉翠成圍客病花偏好家貧艸更肥鹿  
蹊羣壑靜魚國萬泉歸著我真圖畫不嫌無釣磯  
斷雲濃不去青到短籬邊書枕山爲牖茶烹雨作泉誰  
知修竹外卽是眾峯巔重報當門澗公消水似前

洞庭西山銷夏灣

地天湖海浸湖海地天環在澤忘其澤居山不覺山花  
成前後海雲盪東西灣自笑盆池裏濠魚任往還

漢陽送人入蜀二首

以我不能往送君生別愁艱難成客路天地入虛舟  
離語晨催舫江聲夜滿樓明朝登餞地人去一峯留  
艣帶濤聲至舟從煙際回滿樓山水氣秋色占詩來巫  
峽參天雪瞿塘轉地雷定思今日酒莫惜倒金罍

石鐘山二首

邑小大江明千峯似一城石空斯有響水怒不平鳴磊

落剝琬骨噲吟夏統聲何船鄰笛裂頓使四山驚  
破天青到水玉立兩峯明芙蓉三百尺氣壓九江城誰  
向波濤夜來聽天地聲中宵頻到枕夢裏亂雲鳴

洞霄道院

瀑小不成壑泉聲多在樓諸峯環客靜晏坐等山游題  
字猶青竹殘僧半白頭人寰真似夢頃刻已千秋

西天目二首

到此諸峯盡一峯峯上峯直窮青壁合始與白雲逢僧  
似石千指寺園林萬重猿樵皆世外不待寺門鐘

萬石結叢林蒼蒼一寺陰天風河漢氣吹作一山音忽  
見流紅遠方知入翠深四圍松拱立詩挾萬濤吟

九萼山化成寺二首

名山多佛占瘠谷少仙靈自古尊神鬼終猶藉地形池  
吞千澗白門受萬峯青香幣爲山累蜂窩徧石屏  
淺山無虎豹老樹有神靈雨急千峯白雲歸萬木青塵  
心勞後息天籟靜中聽勝絕東厓石芙蓉踞峭屏

自定海歸揚州舟中四首

到此便籌歸應知與願違狼煙橫島嶠鬼火接旌旂猗猗

虜雲翻覆騎兵氣指揮戰和誰定算回首釣魚磯  
島國獨銜杯登城海氣來軍聲先艸木波影蹴樓臺日  
落東南動潮生天地回憂時休漫浪諸將豈無才  
春在浮煙外帆穿綠樹還艸光爭赴水浪影欲浮山近  
海烽方倣嚴城夜未關旅人非許國憂患到鷗鵬  
尊酒有時有春風無日無地憐羣盜接人似六朝餘青  
眼無縣榻蒼穹遣箸書誰言牙曠絕琴響出游魚

江口晤林少穆制府二首

萬感蒼茫日相逢一語無風雷憎螻屈歲月笑龍屠萬

術三年艾河山兩戒圖乘槎天上事商略到鷗鳬時林公屬

撰海國圖志

聚散憑今夕懽愁并一身与君宵對榻三度雨翻蘋去國桃千樹憂時笑再薪不辭京口月肝膽醉輪囷

春日書感二首

春水盡江湖春洲長荻蒲舟衝暹浦去天入四空無地已樓船遠兵猶艸木虞狎濤爭出沒漁艇似鷗鳬

春似曾歸燕人同泛水鳬花光隨水盡艸色到天無大地容高枕名山縱腐儒升平無屈賈隨意訪樵漁

秋日書感三首

萬感葉行空秋聲百感中  
匡時綦屢劫玩易筮三通事  
濟皆天意身愚豈道窮  
寒鐙影虛白無寐聽西風

溪南讀書處淡夜鬼談兵  
露白浩無迹蟲吟并一聲  
干家同逆旅萬慮到前楹  
入世豈出世逃名終近名

自信命蹉跎胡猶五噫歌  
荒疑豐歲少病羨健兵  
過地靜葉聲集宵長客夢多  
未聞兵馬洗欵枕聽天河

舟中感事四首

岸闊同雲密波濺落日長  
帆飛半江月夢壓一船霜  
獨

鶴過山去四星明帝旁中宵問萍實江海意難忘

一棹斜陽發帆雲盡北流高天無立地獨夜有行舟船

火作新市夜漁忘故洲誰言天下士垂老五湖休

積潦庭陰斂殘星花外明江空無雁影樹老易秋聲滄

海新帆粟天河洗甲兵頗聞邊報美尊酒意縱橫

陵谷何曾易棲遲舊有園布衾垂宇宙獨樹失家邨出

世惟多髮憂時但有魂終朝還獨坐新月照黃昏

歸至資江重游雙清亭二首

嶼扼雙流合江涵一郭煙客來雲半檻影別水多年溪

漲山爲岸春深雨失天孤亭回首處反照但蒼然  
重到頭將白前山依舊青憶會初夜棹獨釣半江星劉  
去桃千樹桓來桺一亭何期塵外影重照此潭醒

揚州繁園閒詠四首

喜稱護堂笑春暉滿一園每澆花供佛新飼鶴如孫小  
雅懷明發高雲蔭短軒敢同嵇阮放嘯傲漫琴尊  
幽院月當心花淡鐙影淡月斜水邊檻照見花閒禽此  
際無言客眠桐不鼓琴中宵微雨過積翠滴成音

幽人當早起幽事在鷄先人靜溪山外心空萬籟前池

樓涼似水林月淡於煙夜氣澄平旦渾忘先後天  
萬竹綠圍花百花香繞家書聲花際出石氣樹陰斜靜  
晝乾坤古幽芬歲月驚百城南面裏有客擁皇媯

春盡二首

時有談  
姬之喪

人歸歸燕後帆落落花前一夜杏花雨滿城楊柳煙來  
時春似海去後水如天何意剛婪尾鴛鴦化杜鵑  
意外成奇事悲來得悟淡神形花月影夢醒去來今香  
篆煙中相琴餘爨後音欲知春去處寥落海天尋

旅懷二首

不知身在處起坐擁孤衾日月雞聲暫關山鳥迹淡愁  
催天易老夢變古成今安得故園侶同心松柏心  
春同一片月人隔幾重關客裏無賓主花開卽故山道  
心憂患後高鳥倦飛還優聖如荀孟當年老轍輶

寒夜

嗒然無一物惟有草天橫微月不生夜眾星相向明沈  
沈移遠籟冉冉偏寒清鴛瓦萬霜薄淡知有夢成

待雪

欲釀寒江雪如聞幽澗泉但看暈燈影尙未積階前風

力能六月池光堪小天無衣何卒歲雲占鳥巢先

尋梅三首

野寺春何處山中寺一天無人有月處一水一橋前不  
是尋花到偏逢踏雪緣未須參老衲已悟木樨禪

癯于老僧詩清似畏人知地僻雲寒久山溪月上遲亂  
峯飛雪夜老鶴放參時始識林逋俗無禪但有詩

春風扇殘雪香我身上衣我醉香中酒來敲雪際扉山  
空一水照天遠獨禽歸月下非梨影游蜂且息機

集古畱句三首

偶見楹帖書佳句不知何出久  
恐亡佚因補綴成章附存于集

放眼觀詩史傾心拜墨皇海爲龍世界雲是鶴家鄉照  
破千秋障森來萬仞牆醯雞真可笑出甕轉徬徨  
納納乾坤大何人獨自閒月明滿地水雲起一天山塵  
夢還前世虛空透半斑從來方內士湖海卽禪關  
酒待青蚨盡詩隨敗葉刪古琴親畏友老樹當名山鹿  
豕從虞舜濠梁問孔顏誰拋蟬瑣屑來伴鳥綿蠻

讀明末楚石諸禪師和三聖詩色相俱空而無腐  
氣心甚服之摘錄十一首俾僧知有文字禪不徒  
作無義語而儒門讀之亦可別開眼界視擊壤集  
尤清妙

有樹無柯條其陰蔽四海根先天地生天改樹不改  
霆雷助其濤霞電助其采能爲濤采者君看何处在  
書中何所有是我萬古神讀書不讀我孤負山中雲  
春艸一回碧盤古一度新山山杜鵑花誰知嘸血痕  
白雲生青山青山生白雲夜夜庭戶滿自古相主賓

今朝忽何去清風爲掃門去時何所戀來時何所親  
去來兩空手何曾挂一塵

樹丈影一尺止緣月當天樹尺影一丈月漸低兩邊  
認影不認月何況月是圓月非雲中物幻影徧大千  
同此一寸光萬古眼不傳

天如可階升縱高不足貴從知梯与航不是金仙事  
公輸飛木鳶力盡飛終墜日日養黃庭一朝生兩翅  
重雲突一飛階級何從跂

動以靜爲母疑乃悟之父行得一寸程一步雲山觀

問路山中人不欺人語如何談山客身不出環堵  
披盡五嶽圖囊無片雲貯不推面前牆覲面關山阻  
結絲爲寸艸三年心不抽忽然滿階綠何曾預人謀  
使盡機巧力不測天公由何爲綠滿天王孫不來游  
造成萬斛舟桂檣木蘭槳使重力不前滯在前溪港  
今朝船忽高夜來江水長何況飽風力更挂帆十丈  
夢中立天地豈能知晦明帳中看日月豈能辨陰姓  
隔墉聽鐘鼓豈能辨宮筵徹牆出戶牖耳目皆太清  
始知夢中影疑盡古今情

我我萬仞山上有百仞石自從宇宙來登此凡幾客  
當其森眼前矚不志千尺轉瞬忽如煙石昔人不昔  
誰爲嶽立人与石閱闢闢徘徊復徘徊悲憤終古積  
安得天石同世無炎涼易安得人石同變無鷹鳩惜  
我欲取石歸易以連城壁貯之明堂尊供以雲煙澤  
此物何足珍中有萬古魄

儒生要求名但須攻佛老述作一篇書尋其巢穴擣  
半爲身後名半爲生前貴田貽九世孫名上一統志